



Na osnovu člana 64. stav (1) tačka (b) i člana 70. stav (1), (2), (3) i (6) Zakona o javnim nabavkama („Službeni glasnik BiH“, broj 39/14), tačaka 8. i 9. Pravilnika o uslovima i načinu korištenja e-aukcije („Službeni glasnik BiH“ br. 66/16) i člana 4. Odluke o stvaranju obaveza u Ustavnom sudu Bosne i Hercegovine, broj P-1132/17 od 20. decembra 2017. godine, predsjednik Ustavnog suda Bosne i Hercegovine, donosi

## **ODLUKU** **o izboru najpovoljnijeg ponuđača**

### **Član 1.**

Okvirni sporazum za nabavku usluga izdavanja avio karata za potrebe Ustavnog suda Bosne i Hercegovine, zaključuje se sa ponuđačem „EUROLINE TRAVEL“ d.o.o. Banjaluka, za ponudenu cijenu naknade za prodaju procjenjene količine avio karata (TSC) od 315,00 KM bez uračunatog PDV-a odnosno 368,55 KM sa uračunatim PDV-om, u skladu sa preporukom Komisije za izbor najpovoljnije ponude.

### **Član 2.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

### **Obrazloženje**

Postupak predmetne nabavke pokrenut je Posebnom odlukom o pokretanju postupka broj P3-1065/17 od 15. novembra 2017. godine. Javna nabavka je provedena putem konkurentskog zahtjeva za dostavu ponuda, a Obavještenje o nabavci i tenderska dokumentacija objavljeni na Portalu javnih nabavki 27. novembra 2017. godine broj 514-7-2-176-3-27/17, a Odluka o izboru najpovoljnijeg ponuđača donesena 16. januara 2018. godine broj P3-1065/17-I. Na Odluku o izboru uložena je žalba, koja je prihvaćena Rješenjem Ureda za razmatranje žalbi broj JN2-01.07-1-58-8/18., od 15. februara 2018. godine i predmet vraćen Ustavnom sudu Bosne i Hercegovine na ponovni postupak.

Nakon postupanja po Rješenju, predmetni postupak je poništen Odlukom o poništenju postupka te je na istu uložena žalba koja je prihvaćena Rješenjem Ureda za razmatranje žalbi broj JN2-01.07-1-131-6/18 od 4. aprila 2018. godine.

Postupajući po drugom Rješenju, Komisija za javnu nabavku je ponovo izvršila uvid u prihvatljive ponude i ocjenu prispijelih ponuda i zakazala novu e-aukciju, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda četiri (4);
- Da su blagovremeno zaprimljene četiri (4) ponude;
- Da je broj prihvatljivih ponuda dva (2);
- Da je broj neprihvatljivih ponuda dva (2);

Komisija za nabavku je nakon izvršenog pregleda prihvatljivih ponuda i održane e-aukcije, po kriteriju najniže cijene, predložila izbor „EUROLINE TRAVEL“ d.o.o. Banjaluka, za ponudenu cijenu naknade za prodaju procjenjene količine avio karata (TSC) od 315,00 KM bez uračunatog PDV-a odnosno 368,55 KM sa uračunatim PDV-om, kao najpovoljnijeg ponuđača.

Ova odluka objavit će se na web stranici Suda [www.ustavnisud.ba](http://www.ustavnisud.ba) istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema, na način definisan članom 99. Zakona o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-1065/17-III  
18. maj 2018. godine  
Sarajevo



Predsjednik  
Ustavnog suda Bosne i Hercegovine

Mirsad Ćeman

**Dostaviti:**

1. Ponuđačima: 4.-
2. Odjelu za finansijske poslove
3. Arhivi